

〔日本書紀二十七〕天命開別天皇息長足日廣額天皇明舒太子也。

〔日本書紀通證二十七〕天命開別天皇蓋誅入鹿定稱。

〔書紀集解二十七〕天命開別天皇按天智恭遜待時而登天位。

〔皇年代略記〕天智天皇諱葛城又號天。

〔日本書紀二十三〕二年正月戊寅立寶皇女皇為皇后后生二男一女一曰葛城皇子近江大津宮。

〔日本書紀二十八〕天淳中原瀛真人天智天皇天命開別天皇同母弟也幼曰大海人皇子。

〔皇年代略記〕天武天皇諱大海人又名天。

〔續日本紀二十一〕天平寶字二年八月庚子朔高野天皇禪位於皇太子中是日百官及僧綱詣朝堂

上表上上臺中臺尊號其百官表曰臣仲麻呂等言臣聞星廻日薄懸象著明之謂天出震發乾乘時首

出之謂聖天以不言為德非言無以暢其神聖以無名體道非名安可詮其用冬穴夏巢之世猶味典章

雲官火紀之君方崇徽號寔乃發揮功業闡揚尊名名之為義其來尚矣伏惟皇帝孝陛下臨馭天下

十有餘年海內清平朝廷無事祥瑞頻至寶字荅臻乃聖乃神允文允武諒無得而稱焉暨乎國絕皇嗣

人懷彼此降天尊於人願鳴謙克光損乾德於坤儀鴻基遂固展誠敬而追遠攀慕惟深勤温清以承顏

因心懇至故有九服宅心咸荷望雲之慶萬方傾首俱承就日之輝中臣等入參帷辰出廁周行鳴珮

曳綸綿積年祀觀斯盛德戴斯昌化臣子之義何無稱贊人欲而天必從狂言而聖尚擇謹據典策敢上

尊號伏乞奉稱上臺寶字稱德孝謙皇帝奉稱中臺天平應真仁正皇太后上協天休傳鴻名於萬歲下

從人望揚雅稱於千秋不勝至懇踴躍之甚謹詣朝堂奉表以聞僧綱表曰沙門菩提等言菩提聞乾坤

高大覆載以之顯功日月貞明照臨由其甄用至於混群有而饒益撫萬物而曲成獨標十號之尊式崇

四大之極故微猷歷前古以不朽妙迹流後葉而恒新然則表德稱功莫不由於名號伏惟皇帝陛下乃

聖繼聖括六合而承其疑其基乃神襲神環四溟而光宅期政道於刑措駢懷生於仁宜追遠之孝尤重

漢風尊號